

REVERENDO admodum
In D E O Patri;

D. D. THOMAE RATRAIO,
PRAESULI EDINBURGENSI;

CRAIGHALLIAE Comarcho;
Cognominis sui Philarcho,
Natura magno;
Vita et studiis optime collocatis
Majori;
Antiqua virtute ac fide
Maximo:
In rem antiquam magis quam magnam
Nato:
Sed animo contento,
Et in coelo potius quam terra
Thesaurizanti,
Satis amplam;
Rerum suarum sedulo,
Publicarum serio,
Sacrarum semper
Satagenti.
Fanaticorum male feriatorum
Rerum novarum prurigne laborantium
Novos reges et novos Deos
Colentium;
Dogmata male concinnata,
Male fulta;
Pessime nec sine diffidio.

Caede et sanguine;
Cum religionis verae dispendio,
Ne dicam interitu,
Propagata;
Floccipendenti, et facile retundenti,
Ex purissimis antiquorum patrum fontibus
Verum et sincerum
Dei cultum
Haurienti,
Doctrina proponenti,
Vita et exemplo
Confirmanti.
Quam possidebat sedem
Optime merenti;
Cum laude tenenti,
Eruditione solida,
Et sanctitate decoranti;
Et bonorum omnium
Summo cum luctu
Morte relinquenti,

E P I T A P H I U M

Hoc posuit
Memoriae ejusdem
Cultor et amator.

*Colendus est ita quisque maxime,
Ut maxime erit virtutibus ornatus. Cic.*

G E N S inimica polo, confundens infima summis,
Cum fremeret, superis bella nefanda movens,
Teutonibus fidens tumidis, Belgisque profanis,
Sterneret et Reges, ipsaque templa Deum.
Cum neglecta fides, Pietasque inculta jaceret,
Desereretque suum Patria nostra patrem;
Ille Deum, Patriamque suam, Patriaeque Parentem,
Sincera coluit relligione fide:
Tramite nam recto gradiens, nova dogmata spernens,
Servavit fines quos posuere patres.